



21.december 2007

Inatsisartut Suleriaasianni § 36 imm.1 tunngavigalugu Naalakkersuisunut apeqquteqaatit mak-kua apeqquteqaatiginiaipakka:

**Naalakkersuisut Siulittaasuata unioqqutitsinernik unioqqutitsinnginnernilluunniit paasin-nissimanniginnera pillugu Naalakkersuisunut apeqquteqaatit:**

(Demokraatit Inatsisartunut ilaasortaataitai)

Maanna ilisimalereerparput, siusinnerusukkut Naalakkersuisunut Ilaasortaasimasooq, Jens Na-paatooq, Kalaallit-nunaata Eqqartuussiviata, eqqartuukkaa qaamatini sisamani pineqaatissinne-qarsimasunut inissiisarfiannut inissineqassasoq, tassa Naalakkersuisunut Ilaasortatut ilassinissu-tissaminik atornerluisimanera, tassa ilaatigut ilaqtutani ilagalugit Landskarsip akiligaanik neri-sarsimanerat, pissutigalugu.

Naalakkersuisut Siulittaasuata Kalaallit-nunaata eqqartuussiviani iluornoornissamik neriorsuereer-luni suliamut ilisimannittutut nassuiaateqarnermini **KNR radioaviisi**-mi 28.november 2007-imi allakaatinneqartumi suliamut tunngatillugu isummaminik saqqummiussaqqarpoq: KNR ilaarpara:

*„Siusinnerusukkut Ineqarnermut Attaveqarnermullu Naalakkersuisuusimasup, Jens Napātūp Namminersornerullutik Oqartussat akiligaannik ilasseqatigiinnerni nereqatigiinnertalinni viinninillu iggisernerni nuliāt qitornallu peqataatinneqarnerat nammineq siullersaalluni pe-riaasiusutut atunngilaa“*

*Naalakkersuisut Siulittaasuata Hans Enoksen-ip Napātūp pinerluttuliorsimasutut eqqartuussi-vimmi suliarineqarneranut atatillugu illersuisumut pissutsinik ilisimannittutut uppersaasutut inissisimanini erseqqissumik saqqummiuppaa, tassa pineqartoq pisinnaatitaaffimminik atorner-luilluni nammineq inuttut atuinini taavalu pisortat ilassinnissutaat akulerussimammagit.*

*- Naalakkersuisunut ilaasortaasimasorpasuit nuliātik qitornatillu ilassinnissutit atorlugit neri-sittarsimavaat, aamma uvanga Naalakkersuisunut Siulittaasunngornissara sioqqullugu. Tamak-kua apeqquserneqanngisaannarsimapput. Tamakkua saqqummiunneqartalernerannut pissutaa-voq politikikkut oqallinnerit sakkortunerulersimanerat, inuillu ataasiakkaat malersorneqarneru-lersimallutik, taama oqarpoq Hans Enoksen.*

*Ilaqtariit qaaqquneqarsimanerinit tunngatillugu assersuutinik taasaqaqquneqarami nassuiaa-tai Napātūp pissuserisartagaanik allaanerungaatsiarput. Enoksenip nassuiaanermini ambas-sadørinik tikeraateqarnerit, ukiumoortumik ataatsimeersuarnerit assigisaallu Napātūp ilaqtu-taminik nereqateqartarneri assersuutigai, tassa politikkimik suliaqarnerminut atatillugu politik-killu avataatigut ikinngutiminik politikki-mik suliaqarnerminut atatillugu“.*

27. november 2007 **Semitsiaq.gl** Naalakkersuisut Siulittaasuata Kalallit-nunaata Eqqaartuussivi-ani suliamik ilisimasaqartutut nassuiaaneqarnera pillugu imatut allagaqqarpoq:



**Naalakkersuisut Siulittaasuata marlungormat Napaattoq pillugu eqqartuussivimmi suliap sularineqarnerani suliambut tunngatillugu ilisimasaqartutut nassuiaatinneqarnermini ilaqutariit Landskarsip akiligaanik nerisimanerat ataasiinnaq akuersissutigisimallugu eqqaamavaa“.**

*Siusinnerusukkut Naalakkersuisunut Ilaasortaasimasup Jens Napaattuup arlaleriarluni bilagit uppernarsaatissat eqimattakkaarlugit tunniuttarpai, kiisalu direktørimi pissarsiariniarlugit saaf-figinnittareerannangi tunniuttarlugit. Ineqarnermi Pisortaqarfiup direktøriata Dorthe Johansen-ip ilassinnissutit atorlugit, tassa pisortat akiligaanik, nuliani meeqqanilu ilagalugit nerisimanernut aningaasartuutit pillugit aperigaangani oqaatigisarpaa, tamanna Naalakkersuisut Siulittaasuata Hans Enoksen isumaqatigalugu pisarsimasoq. Jens Napaattuumut tunngatillugu suliaq eqqartuussivimmi sularineqarmat Dorthe Johansen suliambut tunngatillugu ilisimasaqartutut marlungormat nassuiaasinneqarami taamatut oqaaseqarpoq.*

*Illuatungaatigulli Naalakkersuisut Siulittaasuata Hans Enoksen-ip eqqaamasai naapertorlugit pineqartup ilaqtaminik nereqateqarnera ataasiinnaq akuersissutigisimanerarpaa. Hans Enoksen-ip suliambut tunngatillugu ilisimasaqartutut Kalaallit-nunaata Eqqartuussiviani apersorneqarnerani ullup qeqqata siornani pisumi tamanna saqqummerpoq.*

*Tamatumunngalu ilutigitillugu Naalakkersuisut Siulittaasuata, Hans Enoksen-ip oqarnera malillugu siusinnerusukkut Naalakkersuisunut Ilaasortat ilaqutaasa politikikkut suliaqareernerup kingornatigut nereqataasarnerat ippigineqarneq ajorsimasut.*

*Siusinnerusukkut nalinginnaasimagaluarpoq ilaqutaasut kingornatigut ataatsimiinnernut peqataasarnerat. Kalaallit-nunaata Eqqartuussiviani Hans Enoksen suliambut ilisimasaqartutut nassuiaanermini paasisstissigami oqarpoq siusinnerusukkut Naalakkersuisunut Ilaasortaasarsimasut taamaaliortarsimanerat atuussimasoq.*

*Kiisalu nassuiaatigaa Naalakkersuisunut ilaasortat nutaat naalakkersuisoqatitik allat qanoq iliortarneri kikkunillu qaaqquisarneri malinnaavigisaraat. Tamakkua saniatigut Hans Enoksen-ip uparuarppaa ilassinninnermut atatillugu aningaasartuutit ilaatigut suli kukkusunik kontolneqartartut“.*

Naalakkersuisut Siulittaasuata nassuiaatai tamakkua tunngavigalugit apeqquteqaatinik makkunanna apeqquteqaateqartittariaqalerpaatigut:

- Kalaallit-nunaata Eqqartuussiviata siusinnerusukkut Naalakkersuisunut Ilaasortaasimasoq, Jens Napaattoq pisuusutut eqqartuutereermagu suli Naalakkersuisut Siulittaasuata isumaqarnerasoq taamatut pineqarnera tassaasoq inunnik malersuinerusoq?
- Maannakkut siusinnerusukkut Naalakkersuisunut Ilaasortaasimasoq, Jens Napaattoq, eqqartuussinikkut pisuutinneqareermat, taava Naalakkersuisut Siulittaasuata nammineq Naalakkersuisut Siulittaasunngornerminiit manna tikillugu Naalakkersuisunut Ilaasortat allat nuliaminnik qitornaminnillu nereqateqarsimanermikkut inatsisinik unioqqutsisimanersut pillugu misissuisitsinermik aallartitsisanersoq apeqqutigerusupparput, tassami Naalakkersuisut Siulittaasuata eqqartuussinermi suliambut ilisimasaqartutut eqqartuussivimmi iluornoornissamik neriorsuereerluni nassuiaanermini oqaatigimmasuk taamatut iliortarneq Naalakkersuisut akornani pissusiusoq nalinginnaasoq?



- Misissuineq taamaattoq ingerlanneqaralarpat, taavalu Naalakkersuisut Siulittaasuata nuliaasut qitornallu Landskarsip akiligaanik nereqatigineqartarnerat nalinginnaasoq ilu-moortuusimassappat, taavalu Naalakkersuisunut Ilaasortat ilaat taamatut unioqquitsisi-massagaluarpata, taava Naalakkersuisut Siulittaasuata Nalakkersuisuni siuttutut akisus-saasutut taamatut unioqquitsisimasut poilitiinut tunniutissanerlugit?
- Maanna Naalakkersuisut Siulittaasuata Kalaallit-nunaata Eqqartuussiviani ilumoortumik oqalunnissamik neriorsuereerluni maanna eqqartuunneqarsimalersup nuliainik ilaqtu-taminillu nereqateqarsimanagera ataaseq akuersissutigisimallugu oqaatigereerpaa. Taava tamatumunnga atatillugu tamanna Naalakkersuisut imatut paasinerlugu Naalakkersuisut Siulittaasuata taamatut iliornermigut eqqartuunneqarsimasoq inatsisunik unioqquitsisni-saanut ikiorsimagaa, tassamimi maanna siusinnerusukkut Naalakkersuisunut Ilaasortaasimasoq, Jens Napaattoq, pisuutitaalluni eqqartuunneqareermat?
- Naalakkersuisut Siulittaasuata erseqqissumik nalunaarutigereerpaa taamatut iliorneq na-linginnaasumik iliornerussoq, kiisalu pisimasumi matumani inuk aalajangersimasoq ma-lersorneqartoq. Taava tamatumunnga atatillugu Naalakkersuisut Siulittaasuata, Naalak-kersuisut Siulittaasuattut, taamatullu qinikkatut sulinerminiit tunuartariaqalernissamik siunniussissanerluni, tassami siusinnerusukkut Naalakkersuisunut Ilaasortaasimasup, Jens Napaattuup eqqartuunneqarneratigut erseqqivissumik saqummermat Naalakkersui-sut Siulittaasuata eqqortut eqqortunngitsorlu aammalu inatsisitigut unioqquitsinerit uni-oqquitsinnginerillu immikkoortissinnaanngikkai?

Apeqquteqaatit ullut suliffiusut qulit qaangitsinnagit akussiteqarfiginissaat kissaatigineqarpoq.

Demokraatit Inatsiartunut Ilaasortaataat sinnerlugit

**Jens B. Frederiksen, Inatsiartunut Ilaasortaq  
Demokraatit**